

MEDIA RELEASE



AUSTRALIAN EMBASSY TIMOR-LESTE

5 Dezembru 2024

Austrália no Timor-Leste selebra tinan 25 kooperasaun dezenvolvimentu nian

Embaixada Austrália selebra tinan 25 kooperasaun dezenvolvimentu ho Timor-Leste iha loron 5 Dezembru 2024, iha El Legendário. Embaixada Austrália mós lansa Planu Parseria ba Dezenvolvimentu Austrália-Timor-Leste, ne'ebé hatuur prioridade sira ne'ebé fahe iha tinan lima tuir mai.

Governu Austrália nia parseria ba dezenvolvimentu ho Timor-Leste hahú ho kontribuisaun ba resposta umanitária internasionál ba Timor-Leste hafoin Konsulta Populár. Austrália mós hala'o papél boot no importante iha faze tuir mai ba rekonstrusaun no apoiu ba dezenvolvimentu molok independénsia. Kooperasaun ba dezenvolvimentu sai nu'udar elementu xave husi ita-nia parseria bilaterál dezde meadu tinan 2002, no ohin loron Austrália nu'udar Timor-Leste nia parseiru dezenvolvimentu ne'ebé boot liu.

Austrália halo konsulta barak iha Timor-Leste atu ajuda prepara Planu Parseria ba Dezenvolvimentu, inklui ho representante no líder sira husi governu, sociedade sivil, setór privadu, academia, no ho líder komunitáriu no juventude sira. Barak husi sira ne'ebé hetan konsulta ba Planu Parseria ba Dezenvolvimentu nian tuir mós eventua semana ida-ne'e nian.

Embaixadora Austrália nian ba Timor-Leste, Caitlin Wilson hateten, "Iha Aniversáriu ba dala 25 ida ne'e, ami orgullu hola parte hodi apoia Timor-Leste nia restaurasaun independénsia no hodi tulun konstrusaun nasaun ba ami-nia belun no viziñu besik liu," nia hateten.

"Iha tinan hirak tuir mai, Governu Austrália sei hasa'e apoiu ba Timor-Leste nia ekonomia azul, investe liután iha dezenvolvimentu abilidade no reintegrasaun traballadór PALM Timor-oan sira hodi hasa'e oportunidade empregu no empreendedorizmu iha rai-laran, no tulun hodi kataliza investimentu liután iha dezenvolvimentu setór privadu", nia hatete.

Embaixadora Wilson akresenta liután katak, "Ami sei kontinua fó apoiu ba prioridade xave sira governu nian, inklui prestasaun servisu ho qualidade iha saúde no edukasaun; no apoiu ba kreximentu ekonómiku no diversifikasaun, konetividade, no adaptasaun ba mudansa klimátika. Austrália mós sei kontinua kooperasaun ne'ebé apoia Timor-Leste nia estabilidade, seguransa no reziliénsia, no apoia Timor-oan hotu-hotu para igualmente buras no prósperu."

Ligasaun ba Média Embaixada Austrália nian: 7726 6222

[REMATA]